



27. november 2008

Inatsisartut Forretningsorden-iani § 36 imm. 1 tunngavigalugu Naalakkersuisunut apeqquteqaatit makkua apeqquteqaatiginiarpakka:

Eqqarsartaatsikkut nappateqarnermut tunngatillugu Naalakkersuisunut apeqquteqaat
(Inatsisartunut ilaasortaq Jørgen-Ole Nyboe Nielsen, Demokraatit)

Inatsisartut 2008-mi Upernaakkut Ataatsmiinnerani imm. 34 aqutigalugu paasivara Naalakkersuisut 2007-imi Psykolog-ip kiisalu Psykiater-ip nakorsartitsineranut tunngatillugu angalanernut aningaasatigut pilersaarutaat sipaarniutigineqarsimasut, tamatumalu kingunerisaanik meeqqat inuusuttullu 56-t misissorneqanngitsoorsimasut katsorsarneqarnissamillu aallartitsivigineqanngitsoorsimasut taamatullu katsorsarneqarnermik nangitsisinngitsoorneqarsimasut.

Inatsisartut 2008-mi ukiaanerani ataatsimiinnerannut atatillugu pilersaarutaasimagaluarpoq Ilaqutariissutsikkut Peqqinnissamullu Pisortaqarfik eqqarsartaatsikkut nappaateqarnermut katsorsaaneermillu suliaqarnermut tunngatillugu nassuaateqaammik saqqummiussaqaartussaagaluarpoq. Kisiannili nassuaateqarnissaq tamanna Inatsisartut 2009-mi Upernaakkut Ataatsimiinnissaannut kinguartinneqarsimavoq.

Qulaani pineqartut tunuliaqutaralugit makkunuunatigut paasisineqarusuppunga:

Meeqqat inuusuttullu qassit 2006-imi katsorsarneqarnerannik aallartitsivigineqarsimasut 2007-imi kiisalu/imaluunniit 2008-imi katsorneqarnermikkut ingerlatsivigineqanngitsoorpat?

Meeqqat inuusuttullu qassit 2007-imi eqqarsariartaatsimikkut misissorneqarnissaminnik utaqqisutut inissinneqarsimappat, tassa 2007 misissorneqarnermik ingerlatsivigineqarsimagaluarunik katsorsarneqarnissamik aallartitsivigineqarsimassagaluartut?

Meeqqat inuusuttullu qassit 2007-imi katsorsarneqarnerminni 2008-mi naammassisussaagaluartumut ingerlateqqinneqanngitsoorpat?

Meeqqat inuusuttullu qassit 2007-imi misissuiffigineqarnerat 2008-mi naammassisussamut ingerlaqqinneqanngitsoorpat?

Meeqqat, inuusuttut inersimasullu qassit 2008-mi katsorsarneqarnermik aallartitsivigineqarnikuuppat, kisiannili 2008-mi ingerlateqqinneqanngitsoortumik?

Meeqqat, inuusuttut inersimasullu qassit 2008-mi misissortinneqarnissaminnik utaqqisutut inissinneqarsimappat, tassa misissortereernerup kingornatigut katsorsarneqarnissamik aallartitsivigineqarnissaq siunertaralugu, kisiannili misissortinnerup 2008-mi naammassinissaanik ilimagiunnaarneqarsimasut?



Qassit Psykolog-imit Psykiaterimillu misissorneqarnikuuppat, tassa mississuinerup inerneru tunngavigalugu katsorsarneqarnissamik aallartitsivigineqartussaagaluartut 2007-imi aamalu 2008-mi kinguartitsivigineqarnikuuppat?

Psykolog-inut Psykiaterinullu misissortinnissamut pilersaarutit atuuttut suut ingerlanneqarpat, tassa taakua kingunerisaannik misissortinerup ingerlateqqinneqarnissaa siunertaralugu kiisalu katsorsarneqarnermik aallartitsivigineqarnissaq, misissuinissap naammassinissaa aammalu katsorsarneqarnissap ingerlanissaanik aallartitsnissaq siunertaralugu?

Ilanngullugulu paaserusppara SANA-mi immikkoortortaqaarfimmi A 1-imi napparsimasut katsorsartinnerminnik naammassinissimasut angerlarsimaffeqanngitsunilli ”angerlatsitsisoqarsimnersoq” naak uninngasuutigisimasat taakkua iluameertumik angerlasimaffeqanngikkaluartut?

Qulaani apequtigineqartutut pisoqarsimappat taava makkunuunatigut paasisineqarusuppunga:
Uninngasuutigisimasat angerlasimaffeqanngitsut ukiunut qassit ”angerlartinneqarsimappat?”
Uninngasuutigisimasat angerlarsimaffeqanngitsut ”angerlatinneqarsimasut” katsorsarneqarsimanagerat ataatsimut isigalugu qanoq kinguneqarsimava?
Naalackersuisut napparsimasut angerlasimaffeqanngitsut angerlasimaffeqalernissaannik qulakkerinninnissamut pilersaarutaat qanoq ippat?

Ilanngullugulu paaserusppara kalaallit qassit eqqarsartaatsikkut Danbarkimi katsorsartinner-sut.

Naalackersuisut qinnuvigineqassapput apeqquteqqatit ullut qulit qaangiutsinnagit akeqqullugit.